

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 28 OKTOBER 2014, PUKUL 10.00 PAGI

Bil. 38

PERTANYAAN-PERTANYAAN BAGI JAWAB LISAN

1. PR-1323-L63472
Tuan Haji Hasbi bin Haji Habibollah [Limbang] minta **MENTERI SAINS, TEKNOLOGI DAN INOVASI** menyatakan apakah tindakan, kesudahan, kelangsungan dan usaha Kementerian untuk Projek Penanaman Vanila yang sudah pun menampakkan hasil di daerah Limbang.
2. PR-1323-L64627
Tuan Wong Ling Bui [Sarikei] minta **PERDANA MENTERI** menyatakan berapakah jumlah peruntukan pusat yang telah diberikan kepada negeri Sarawak untuk segala pembangunan negeri Sarawak dalam 5 tahun yang lepas. Berapakah jumlah peruntukan untuk segala pembangunan yang telah disalurkan ke kawasan Parlimen Sarikei dalam 5 tahun yang lepas.
3. PR-1323-L63851
Datuk William @ Nyallau anak Badak [Lubok Antu] minta **MENTERI PENDIDIKAN** menyatakan berapa banyak peruntukan diberi kepada pejabat pelajaran di setiap daerah di negeri Sarawak untuk membaik pulih sekolah-sekolah di luar bandar yang sering kali meminta peruntukan daripada ahli-ahli Parlimen untuk membantu mereka sedangkan peruntukan ahli-ahli Parlimen amatlah sedikit untuk dibahagikan kepada mereka.
4. PR-1323-L63643
Dato' Kamarudin bin Jaffar [Tumpat] minta **MENTERI LUAR NEGERI** menyatakan adakah Kerajaan bercadang membuka pejabat Konsulat General Malaysia di Istanbul memandangkan pentingnya kota itu untuk rakyat dan negara kita.

5. PR-1323-L63435
Datuk Juslie bin Ajirol [Libaran] minta **MENTERI KEMAJUAN LUAR BANDAR DAN WILAYAH** menyatakan pencapaian prasarana bagi kemajuan luar bandar dan wilayah yang dicapai bagi negeri Sabah terutama bagi Parlimen Libaran dalam Rancangan Malaysia ke-8, Rancangan Malaysia ke-9 dan Rancangan Malaysia ke-10.
6. PR-1323-L64765
Puan Kasthuriraani a/p Patto [Batu Kawan] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah status "*gender responsive budgeting*" yang dicadangkan tahun lepas dalam Belanjawan 2014.
7. PR-1323-L63390
Datuk Aaron Ago anak Dagang [Kanowit] minta **MENTERI KESIHATAN** menyatakan dasar dan strategi Kerajaan untuk menyediakan satu insurans kesihatan seperti "*Obama Care*" terutamanya bagi rakyat yang miskin supaya mereka juga dapat perlindungan insurans yang boleh diterima oleh mana-mana hospital kerajaan dan swasta di dalam dan luar negara.
8. PR-1323-L63553
Tuan Idris bin Haji Ahmad [Bukit Gantang] minta **MENTERI KERJA RAYA** menyatakan berapakah kadar pungutan yang diperoleh oleh PLUS daripada cukai 3% kepada peniaga mengikut setiap R&R PLUS di seluruh negara.
9. PR-1323-L63733
Datuk Liang Teck Meng [Simpang Renggam] minta **MENTERI SUMBER ASLI DAN ALAM SEKITAR** menyatakan apakah hasil perundingan Kerajaan Malaysia dan Kerajaan Indonesia dalam mencari langkah-langkah penyelesaian untuk mengurangkan dan mengatasi masalah jerebu yang sering dihadapi oleh kedua-dua negara ini.
10. PR-1323-L64167
Puan Alice Lau Kiong Yieng [Lanang] minta **MENTERI KEWANGAN** menyatakan sama ada Bantuan Rakyat 1Malaysia (BR1M) akan diteruskan pada tahun-tahun yang akan datang dan bila BR1M akan ditambah sehingga RM1200 seperti yang dijanjikan oleh Perdana Menteri serta langkah-langkah yang diambil oleh Kerajaan supaya BR1M hanya diberi kepada pemohon yang layak dan tidak disalahgunakan.
11. PR-1323-L63517
Tuan Haji Mohd Fasih bin Haji Mohd Fakeh [Sabak Bernam] minta **MENTERI KESIHATAN** menyatakan langkah bersepadu yang lebih berkesan termasuk strategi lautan biru yang telah diambil kerajaan bagi memerangi Aedes dan kes denggi terutama yang menyebabkan kematian yang terus meningkat dengan drastik terutama di Negeri Selangor dan apakah Kerajaan bercadang memberikan vaksin sebagai tindakan segera sebagai langkah kecemasan untuk pencegahan bagi mengelakkan kes aedes ini dari terus merebak.

12. PR-1323-L63396
Tuan Wong Tien Fatt @ Wong Nyuk Foh [Sandakan] minta **MENTERI DALAM NEGERI** menyatakan :-
- (a) tindakan yang akan diambil oleh Kerajaan jika seorang anak yang lahir di Malaysia tapi tidak mempunyai kewarganegaraan, kerana bapanya merupakan warganegara tetapi emaknya bukan warganegara, mereka tidak mempunyai sijil perkahwinan, maka permohonan telah pun dibuat dan ia telah lama menunggu jawapan, ini telah memberi banyak kesulitan kepada anak itu; dan
 - (b) berikan bilangan permohonan yang masih dalam proses di setiap negeri.
13. PR-1323-L64151
Dato' Haji Irmohizam bin Haji Ibrahim [Kuala Selangor] minta **MENTERI KEWANGAN** menyatakan bagaimanakah Kerajaan akan menangani masalah penyelewengan dan fraud di dalam pembayaran cukai dan tuntutan kredit cukai input selepas pelaksanaan GST pada April 2015.
14. PR-1323-L63946
Tuan M. Kulasegaran [Ipoh Barat] minta **MENTERI DALAM NEGERI** menyatakan :-
- (a) sebab-sebab Kerajaan enggan memberi kewarganegaraan kepada kanak-kanak tanpa kerakyatan yang dilahirkan di Malaysia; dan
 - (b) apakah kriteria yang digunakan dan ditetapkan oleh Kerajaan untuk memberikan kewarganegaraan kepada pemohon warga asing.
15. PR-1323-L63479
Datuk Dr. Makin @ Marcus Mojigoh [Putatan] minta **MENTERI KEWANGAN** menyatakan :-
- (a) punca utama kegagalan serta jumlah kerugian ikon negara, MAS (Malaysia Airlines Systems) dalam industri penerbangan setakat ini; dan
 - (b) langkah-langkah yang diambil bagi mengatasi masalah ini demi untuk kepentingan negara dan langkah-langkah yang diambil bagi mendapatkan semula setiap sen dana Kerajaan yang disuntik kepada pemulihan MAS.

16. PR-1323-L65060
Puan Teo Nie Ching [Kulai] minta **MENTERI PENDIDIKAN** menyatakan bilangan guru bukan berbangsa cina yang dihantar ke China untuk mempelajari Bahasa Mandarin, perbelanjaan dan perancangan untuk guru-guru tersebut.
17. PR-1323-L63352
Datuk Wee Jeck Seng [Tanjong Piai] minta **MENTERI KERJA RAYA** menyatakan bilakah jalan pintas Johor Bahru-Pekan Nanas yang telah dicadangkan sejak RMKe-8 akan dilaksanakan.
18. PR-1323-L64315
Puan Teresa Kok Suh Sim [Seputeh] minta **MENTERI KEWANGAN** menyatakan hutang negara pada tahun 2010, 2011, 2012, 2013 dan 2014. Nyatakan hutang negara berbanding dengan KDNK Malaysia setakat September 2014 dan cara Kerajaan menjelaskan hutang Kerajaan.
19. PR-1323-L63308
Dato' Wira Othman bin Abdul [Pendang] minta **MENTERI PERTANIAN DAN INDUSTRI ASAS TANI** menyatakan berapa luas tanah terbiar yang telah dimajukan di Negeri Kedah mengikut daerah sepanjang lima (5) tahun yang lalu. Apakah agensi-agensi yang terlibat.
20. PR-1323-L64184
Tuan Oscar Ling Chai Yew [Sibu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah peruntukan untuk projek Kejiranan Indah sejak 2012. Senaraikan projek dan kosnya. Apakah cara untuk memohon bantuan ini.
21. PR-1323-L63722
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI TENAGA, TEKNOLOGI HIJAU DAN AIR** menyatakan apakah langkah-langkah dan perancangan TNB untuk memastikan bekalan tenaga negara yang mencukupi dan TNB mendapat keuntungan yang baik. Adakah tarif dapat dikekalkan atau dapat dikurangkan untuk kesejahteraan rakyat dan juga kemudahan kepada usahawan-usahawan dan industri yang bergantung kepada bekalan elektrik.
22. PR-1323-L65171
Dato' Haji Mahfuz bin Omar [Pokok Sena] minta **PERDANA MENTERI** menyatakan :-
 - (a) statistik terkini penjawat awam Persekutuan serta pengambilan penjawat awam secara lantikan tetap dari tahun 2010 hingga 2014 dan adakah Kerajaan bercadang mewujudkan proses pengambilan dalam pengisian oleh penjawat awam sedia ada yang berpengalaman dan berkelayakan untuk mengisi jawatan lebih tinggi yang dibuka pada orang awam; dan

- (b) jumlah penjawat awam mengikut gred yang akan bersara wajib pada usia 60 tahun berkuat kuasa tahun 2014 dan jumlah mereka yang disambung perkhidmatan secara kontrak.

23. PR-1323-L64784

Datuk Wira Haji Ahmad bin Hamzah [Jasin] minta **MENTERI KEWANGAN** menyatakan :-

- (a) perkembangan terkini penstrukturan semula Syarikat Penerbangan Malaysia (MAS); dan
- (b) bagaimana Kerajaan boleh memberi jaminan penjenamaan semula mampu dilaksanakan dengan teratur di saat industri penerbangan serantau rata-ratanya menghadapi tekanan operasi di sebabkan peningkatan kos tetap dan kos berubah.

24. PR-1323-L64733

Tuan Teo Kok Seong [Rasah] minta **MENTERI PERUSAHAAN PERLADANGAN DAN KOMODITI** menyatakan secara terperinci usaha Kerajaan dalam membantu pekebun getah dan kelapa sawit yang menghadapi kemerosotan harga hasil tanaman yang menjejaskan pendapatan dan kehidupan pekebun.

25. PR-1323-L64241

Dato' Noraini binti Ahmad [Parit Sulong] minta **MENTERI BELIA DAN SUKAN** menyatakan peranan yang boleh dimainkan oleh setiap pihak dalam program Fit Malaysia dan peranan yang akan dimainkan oleh Kementerian agar ia boleh menjadi budaya dan aktiviti yang berterusan dalam masyarakat di negara kita agar kita boleh menjadi "*sporting nation*".

26. PR-1323-L64968

Tuan Loke Siew Fook [Seremban] minta **MENTERI KERJA RAYA** menyatakan apakah rancangan Kementerian untuk menaik taraf jalan raya yang menghubungkan Nilai-Batang Benar-Pajam-Mantin memandangkan laluan tersebut amat sesak dan membahayakan pengguna dan merupakan susur keluar ke Lebuhraya LEKAS.

27. PR-1323-L64346

Dato' Sri Azalina binti Dato' Othman Said [Pengerang] minta **MENTERI KEWANGAN** menyatakan sejauh manakah JKDM akan mengambil kira kedudukan pihak-pihak tertentu sekiranya tidak mempunyai niat untuk mengelak daripada membayar cukai jualan tetapi berlaku salah faham berkaitan klasifikasi produk sebelum mengambil sesuatu tindakan untuk kesalahan tidak memohon lesen atau tidak membayar cukai jualan.

28. PR-1323-L63835
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan :-
- (a) hasil kutipan saman Automated Enforcement System (AES) dan kes yang sudah dibawa ke mahkamah sejak ianya mula dilaksanakan; dan
 - (b) sejauh manakah ia dapat mengurangkan kadar kemalangan jalan raya.
29. PR-1323-L64293
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI SUMBER MANUSIA** menyatakan apakah pelan tindakan yang telah dirangka untuk memastikan sasaran melahirkan 50% tenaga kerja mahir menjelang 2020 dapat dicapai.
30. PR-1323-L65329
Puan Hajah Fuziah binti Salleh [Kuantan] minta **MENTERI PERTANIAN DAN INDUSTRI ASAS TANI** menyatakan :-
- (a) apakah punca kehadiran wujudnya algae bertoksin di Pelabuhan Kuantan yang telah menyebabkan kerang dan kepah tercemar serta tidak boleh dimakan seperti yang di laporkan Jabatan Perikanan pada Ogos 2014.; dan
 - (b) adakah sisa toksik buangan dari kilang- kilang di situ menjadi punca dan telah merangsang kehidupan algae tersebut.
31. PR-1323-L65032
Tuan Liew Chin Tong [Kluang] minta **MENTERI PERTAHANAN** menyatakan memandangkan Markas Angkatan Tugas Bersama 2 telah menunjukkan Bangsa Sulu Royal Army sebagai ancaman keselamatan di taklimat editor kanan media pada 10 Ogos 2008 di Kem Sri Wangsa, Sabah, apakah tindakan susulan telah diambil dari tahun 2008 hingga 2012 untuk menangani ancaman tersebut.
32. PR-1323-L63980
Tuan Lim Guan Eng [Bagan] minta **MENTERI KEWANGAN** menyatakan status 1Malaysia Development Bhd (1MDB) yang dikritik oleh mantan Perdana Menteri. Adakah kerajaan terpaksa menanggung beban hutang RM38 bilion sekiranya bankrap kerana tiada keuntungan yang cukup untuk bayar wang faedah pun. Senaraikan punca hutangnya dan langkah pencegahan bagi menghadapi situasi berkenaan.
33. PR-1323-L65100
Dato' Seri Abdul Hadi bin Awang [Marang] minta **PERDANA MENTERI** menyatakan apakah statistik terkini jumlah permohonan kes murtad bagi penganut agama Islam dan apakah langkah penyelesaian yang sudah diambil untuk menanganinya.

34. PR-1323-L63901
Ust. Dato' Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan sasaran yang telah dicapai oleh Majlis Latihan Pertanian Kebangsaan (NATC) untuk melahirkan usahawan belia dalam industri padi negara.
35. PR-1323-L64336
Dr. Haji Izani bin Haji Husin [Pengkalan Chepa] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sejauh manakah sambutan sektor industri terhadap Konsep Ekologi Perindustrian yang bakal diwujudkan di bawah Perbadanan Pengurusan Sisa Pepejal dan Pembersihan Awam (PPSPPA).
36. PR-1323-L64446
Tuan Charles Anthony Santiago [Klang] minta **PERDANA MENTERI** menyatakan isu-isu penting dalam "*feasibility study*" dalam kajian tenaga nuklear.
37. PR-1323-L64355
Datuk Ahmad Jazlan bin Yaakub [Machang] minta **MENTERI KEMAJUAN LUAR BANDAR DAN WILAYAH** menyatakan sejauh manakah keberkesanan pelatih-pelatih yang mengikuti kursus di Giat Mara dapat menjana pendapatan yang sama taraf dengan orang berkemahiran yang mengikuti kursus di tempat pengajian tahap tinggi dalam melahirkan modal insan yang berkualiti di bidang kemahiran.
38. PR-1323-L63595
Tuan Sim Tong Him [Kota Melaka] minta **MENTERI KEWANGAN** menyatakan :-
- (a) tapak-tapak pelancongan seperti "*theme park*" taman tema juga perlu membayar duti hiburan. Jika ya, bagaimanakah dengan kadarnya; dan
 - (b) memandangkan kesemua "*theme park*" mempunyai pelaburan rakyat Malaysia dan mereka juga perlu membayar pelbagai cukai, apakah rasionalnya untuk mereka membayar duti hiburan ini.
39. PR-1323-L64895
Tuan Julian Tan Kok Ping [Stampin] minta **PERDANA MENTERI** menyatakan adakah kajian terperinci yang terkini yang telah dijalankan untuk mengetahui keperluan tenaga oleh Sarawak, Sabah dan Semenanjung Malaysia, Jika ada, bagaimana untuk mendapatkan laporan tersebut.

40. PR-1323-L64075
Dr. Che Rosli bin Che Mat [Hulu Langat] minta **MENTERI TENAGA, TEKNOLOGI HIJAU DAN AIR** menyatakan peranan yang dimainkan oleh “Malaysian Green Technology Corporation (MGTC)” dalam mempromosikan Teknologi Hijau di negara ini. Sejauh manakah pencapaian MGTC berbanding objektif awal yang disasarkan.
41. PR-1323-L64584
Tuan Wong Chen [Kelana Jaya] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) adakah Kerajaan telah mendapatkan nasihat daripada firma undang-undang perdagangan antarabangsa bereputasi, seperti White & Case, dalam perundingan Perkongsian Trans Pasifik (TPPA); dan
 - (b) berapakah jumlah peguam daripada Kementerian atau Kementerian lain yang terlibat sepenuh masa dalam perundingan TPPA.
42. PR-1323-L64697
Tuan Chua Tian Chang @ Tian Chua [Batu] minta **MENTERI WILAYAH PERSEKUTUAN** menyatakan apakah rancangan kementerian untuk menyelesaikan masalah pampasan dan sewa perumahan PPR bagi penduduk Kg. Railway. Bilakah penduduk ini akan mendapat surat tawaran untuk membeli perumahan kos rendah yang akan dibina oleh Sentul Raya Sdn. Bhd. pada harga RM42,000.00.
43. PR-1323-L63719
Tuan Fong Kui Lun [Bukit Bintang] minta **MENTERI SUMBER MANUSIA** menyatakan langkah-langkah keselamatan yang diambil dan dilaksanakan berikutan kejadian kemalangan yang menyebabkan kematian, kecuai dan kesesakan lalu lintas di tapak-tapak kerja serta bilangan pekerja/penyelia yang jatuh sakit akibat terdedah kepada habuk letupan bawah tanah dan adakah mereka yang terlibat dengan kemalangan tersebut diberi bantuan.
44. PR-1323-L64211
Dr. Michael Jeyakumar Devaraj [Sungai Siput] minta **PERDANA MENTERI** menyatakan kebijaksanaan menyekat hak agama-agama bukan Islam menggunakan perkataan-perkataan tertentu dalam kuil/gereja mereka sendiri. Adakah perlu Enakmen-enakmen Sekatan Pengembangan Agama bukan Islam di peringkat Negeri diubahsuai supaya pengendalian perkara ini diselaraskan dengan Perlembagaan Persekutuan.
45. PR-1323-L64444
Tuan Charles Anthony Santiago [Klang] minta **MENTERI KESIHATAN** menyatakan rancangan Kerajaan untuk “restructure” sistem kesihatan di Malaysia. Adakah Kementerian bercadang untuk memperkenalkan sistem 1Care yang telah ditarik balik beberapa tahun yang lalu.

46. PR-1323-L64706
Tuan Ramkarpal Singh a/l Karpal Singh [Bukit Gelugor] minta **MENTERI PENDIDIKAN** menyatakan langkah-langkah yang akan diambil untuk mengelakkan berlakunya lagi kebocoran kertas-kertas peperiksaan yang semakin menggugat keyakinan sistem pendidikan negara.
47. PR-1323-L64564
Tuan Nga Kor Ming [Taiping] minta **MENTERI TENAGA, TEKNOLOGI HIJAU DAN AIR** menyatakan apakah rancangan dan langkah segera Kementerian untuk menggantikan paip air usang dan bocor yang dijangka sepanjang 43,890 KM demi mengatasi masalah kebocoran air dan "*non revenue water*" yang mencatat kadar purata setinggi 31%.
48. PR-1323-L64530
Tuan Su Keong Siong [Ipoh Timor] minta **MENTERI TENAGA, TEKNOLOGI HIJAU DAN AIR** menyatakan langkah-langkah yang diambil untuk mengurangkan jumlah "*Non Revenue Water*" di setiap negeri. Nyatakan keberkesanan langkah-langkah yang telah diambil tersebut.
49. PR-1323-L65004
Dato' Hasbullah bin Osman [Gerik] minta **PERDANA MENTERI** menyatakan kaedah pengagihan zakat kepada golongan layak di mana kini terdapat kaedah dan proses pengutipan zakat memudahkan rakyat. Namun untuk menyerahkan zakat adalah sukar dan ini seolah-olah zakat gagal menjadi agen membantu rakyat.
50. PR-1323-L64112
Dato' Henry Sum Agong [Lawas] minta **MENTERI PENGANGKUTAN** menyatakan apakah status permohonan rakyat khasnya daerah Lawas Sarawak dan Sipitang Sabah terhadap perhubungan udara terpenting iaitu sebuah Lapangan Terbang baru yang akan di guna pakai oleh penduduk-penduduk kedua-dua kawasan tersebut.
51. PR-1323-L64993
Datuk Madius Tangau [Tuaran] minta **PERDANA MENTERI** menyatakan pelbagai subsidi serta jumlah yang diberikan oleh Kerajaan kepada rakyat setiap tahun bermula daripada tahun 1965 hingga sekarang dan sampai bilakah Kerajaan dapat melaksanakan subsidi tersebut.

52. PR-1323-L65170
Dato' Wira Mohd Johari bin Baharom [Kubang Pasu] minta **MENTERI SUMBER MANUSIA** menyatakan mengenai nisbah pekerja yang ditimpa kemalangan di tempat kerja berasaskan kepada 1000 pekerja terutamanya di tapak binaan. Apakah langkah-langkah keselamatan dan kesihatan pekerjaan yang diambil oleh DOSH bagi memantau dan menguatkuasakan AKKP 1994 di kalangan pekerja-pekerja di kilang elektronik. Sejak tahun 2010 berapakah bilangan mereka yang melakukan kesalahan di bawah AKKP 1994 dan diambil tindakan.
53. PR-1323-L65052
Tuan Sim Chee Keong [Bukit Mertajam] minta **PERDANA MENTERI** menyatakan statistik anak muda "Not In Education, Employment or Training (NEET)" mengikut kumpulan umur sehingga 40 tahun, pecahan negeri, jantina, kumpulan etnik dan tahap pendidikan.
54. PR-1323-L64925
Dato' Seri Tiong King Sing [Bintulu] minta **MENTERI KEMAJUAN LUAR BANDAR DAN WILAYAH** menyatakan :-
- (a) adakah pihak Kementerian berhasrat untuk menambah atau menaikkan jumlah peruntukan untuk melaksanakan Projek Jalan Kampung/Jalan Perhubungan Desa untuk Parlimen Bintulu terutamanya kawasan Suai dan Niah yang jaraknya melebihi 5km; dan
 - (b) adakah pihak Kementerian membuat kajian terlebih dahulu sebelum meluluskan permohonan ini atau berdasarkan kepada faktor yang lain.

ATURAN URUSAN MESYUARAT DAN USUL-USUL

1. (D.R.15 /2014) **Rang Undang-undang Perbekalan 2015 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(27 Oktober, 2014)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (27 Oktober, 2014)

2. (D.R 19/2014) Rang Undang-undang Kewangan (No.2) 2014 **Bacaan Kali Yang Kedua**

[Menteri Kewangan]
3. (D.R 10/2014) Rang Undang-undang Penjara (Pindaan) (No.2) 2014 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014)**

[Menteri Dalam Negeri]
4. (D.R 11/2014) Rang Undang-undang Kewangan (Pindaan) 2014 Tatacara **Bacaan Kali Yang Kedua**

[Menteri Kewangan]

5. (D.R 13/2014) Rang Undang-undang Kumpulan Wang Amanah Negara (Pindaan) 2014 “

[Menteri Kewangan]
6. (D.R 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]
7. (D.R 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]
8. (D.R 16/2014) Rang Undang-undang Suruhanjaya Syarikat Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
9. (D.R 17/2014) Rang Undang-undang Pendaftaran Perniagaan (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
10. (D.R 18/2014) Rang Undang-undang Perkongsian Liabiliti Terhad (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
11. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah".

Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan. Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR.6	Laporan Jawatankuasa Kira-Kira Wang Negara Parlimen Ketiga Belas – Projek Peningkatan Lapangan Terbang Antarabangsa Kota Kinabalu (Kementerian Pengangkutan)	28 Oktober 2014